


Nagaayo

Ba Si

Jesus



Sa Mga

Masakiton Karon?

Matin-aw nga si Jesus naghalad ug dakung bahin sa Iyang ministeriyo sa kalibutan sa pag-ayo sa mga masakiton (Mateo 9:35). Ang iyang unang katarungan sa pag-ayo sa nag-antus dili lamang ang pagpadayag sa iyang gahum ug pagka-Dios; si Mateo nagasulti kanato nga “giabut Siya ug kalooy kanila” (Mateo 9:36).

Si Jesus nagpahayag nga ang iyang mga tinun-an magpadayon sa pag-ayo sa mga masakiton: “Pandungan nila sa ilang mga kamot ang mga masakiton, ug mangaayo sila” (Marcos 16:18). Sa mga pag-alagad sa tanang mga apostoles nga nasulat sa Mga Buhat, adunay mga milagro sa Diosnong pag-ayo. Mga Buhat 3:6-8; 9:32-41; 5:15,16; 19:11,12. Si Santiago nagtudlo sa mga masakiton sa iglesia sa pagtawag sa mga anciano (mga pastor) nga maoy mag-ampo alang kanila aron maayo.

Nagaayo ba si Jesus sa mga masakiton karon? Ang tagsulat sa mga Hebreohanon nagasulti: “Si Jesu Cristo mao sa gihapon ang sa kagahapon ug karon, oo ug sa walay katapusan” (Mga Hebreohanon 13:8). Karon kita makadungog ug makabasa sa dili maihap nga mga pamatuod sa mga milagro sa pag-ayo agig tubag sa pag-ampo sa pagtoo.

Naghunahuna ba ikaw nga mahimong dili kabubut-on sa Dios ang pag-ayo kaniyo? Ang Bibliya nagasulti kanato bahin sa usa ka sanglahon nga nagaisip sa maong paagi. Nagaingon siya kang Jesus—“kong buot Ka, arang Mo ako mahinloan.” Si Jesus mitubag, “Buot Ko, magmahinlo ka” (Marcos 1:40-43). Gikan niini, makita nato nga si Jesus buot moayo sa mga masakiton karon ug kanunay. Oo, ang Diosnong pag-ayo sa mga masakiton maoy usa ka panalangin ug panagana alang sa Cristohanong kinabuhi. Karon, unsaon sa usa pagdawat niining maong panalangin?

Ang mosunod maoy upat ka paagi sa pagdawat ug panalangin sa Diosnong pag-ayo:

- (1) Ang pag-ampo sa pagtuo nga ihalad sa mga anciano sa iglesia. Si Santiago nagasulat: “Nagmasakiton ba ang uban kaniyo? Tawgon niya ang mga anciano sa iglesia ug manag-ampo sila alang kaniya, nga hidhiran siya sa lana tungod sa ngalan sa Ginoo. Ug ang pag-ampo sa pagtoo, magaluwas kaniya nga nagamasakiton, ug pagabangunon siya sa Ginoo” (Jacobo 5:14,15). Kong atong pahimuslan kining paagiha, may bintaha nga

ang pagtoo sa mga anciano madugang ngadto sa pagtoo sa tawong masakiton. Mao kini ang paagi nga kasagaran gigamit sa mga membro sa mga iglesia.

- (2) Usa ka laing paagi mao ang paghiusa sa pagsinabtanay uban sa laing tumutoo aron mag-ampo alang sa pag-ayo. Si Mateo nagasulti, “Kong duha kaninyo magahiusa sa yuta mahitungod sa bisan unsa nga butang nga pagapangayoon nila, kana pagabuhaton kanila sa akong Amahan nga atua sa langit” (Mateo 18:19). Kining matang sa kauyonan sa pag-ampo nagapakita sa gugma nga angay ipahayag diha sa pundok sa mga tumutoo. Kong ang pag-ampo gipalihok pinaagi sa gugma sa Dios, kini maoy labing gamhanan ug masangputon.
- (3) Ang magkamay-ong nga paagi mao ang pag-ampo nga angay-angay sa usa alang sa usa sa mga igsoong Cristohanon. Si Jacobo nagamaymay sa mosunod: “Magsinugiray ang usa ug usa kaninyo sa inyong mga sala, ug mag-ampo ang usa alang sa usa, aron mangaayo kamo” (Jacobo 5:16). Sa dayag, iyang ginahisgutan ang pipila ka mga masakiton nga maka-ampo sa usa alang sa usa aron maayo. Adunay mga panahon nga labing sayon alang sa mga tawo sa maong kahitabo-an sa pagtinagdanay ug pagbinati-ay ang usa alang sa usa. Labot pa, kong may kinahanglan sa pagsugid sa mga sayup nga magbalda sa pagtoo, labing sayon uban niadtong nakigbahin sa maong kinahanglan. Ang angay-angay nga pagtoo maoy labing masangputon.
- (4) Ang pag-ampo sa tago sa ngalan ni Jesus maoy usa ka paagi nga may dakung paabuton. Si Jesus nagasulti sa iyang mga tinun-an: “Ug bisan unsang butanga nga pagapangayoon ninyo sa akong ngalan, akong pagabuhaton, aron ang Amahan pagahimayaon sa Anak. Kong kamo mangayo bisan unsa sa akong ngalan, akong pagabuhaton kini” (Juan 14:13,14). Kong kita maga-ampo ug Diosnong pag-ayo sa Ngalan ni Jesus uban ang resulta nga ang Dios naga-ayo ug nagaluwas kanato, nagadala kinig himaya ngadto sa Amahan. Ang Amahan gihimaya pinaagi sa matinubsanon ug

matinambalong gahum sa Anak nga si Jesus. Unya si Jesus misulti: “Ang tanang mga butang nga inyong igaampo ug pagapangayoon, tohoi nga inyong madawat sila, ug kamo makabaton kanila” (Marcos 11:24). Kong kita maga-ampo uban ang pagtoo, kita nagatoo nga ang atong pag-ampo gitubag samtang kita naga-ampo ug ginadawat ang panalangin ingon nga labing madaling gasa nga kalolot sa Dios. Kong ikaw naginusara, tumindog ka diha sa ibabawng saad ug pagsalig nga ang Dios magmatinumanon sa iyang saad.

Atong gihisgutan ang upat ka paagi sa pagdawat sa pag-ayo, ug walay duha-duha, aduna pay uban. Ang Dios maluluy-on sa paghatag sa mga daghang nagkalainlaing paagi sa pagduol sa Dakung Mananambal. Akong natino nga ang Espiritu Santo magpakita sa tagsatagsa kanato sa panahon sa pagkinahanglan sa labing maayong paagi nga sundon. Pahimusli gayud, akong higala, ang bulahang paagi nga ang atong maluluy-ong Ginoo nagatagana alang sa hingpit nga kaluwasan sa tibuok tawo, alang sa lawas, maingon man usab sa kalag ug espiritu.

Minahal nga Higala, kong ikaw wala pa nagdawat ni Cristo ingon nga imong kinaugalingong Manluluwas, tawga Siya karon sa yano nga pagtoo. Ang pag-ayo kasagaran moabot kauban sa pasaylo sa sala.

Does Jesus Heal The Sick Today?—Cebuano

Written by Dr. N. M. Van Cleave

Illustrated by Eric Jansen

Foursquare Missions Press © 2003